



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XIII. De De Rebus Ecclesiæ alienandis vel non.

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)

QUÆRES 3. Possitne beneficio collato imponi pensio à beneficiato solvenda? est autem pensio jus percipiendi partem aliquam fructuum ex beneficio alieno. Quæ vel est laicalis, si nimirum propter causam temporalem, v. gr. in recuperationem laboris vel negotii gesti in subsidium vitæ, &c. solvatur, vel Clericalis sive Ecclesiastica, si propter Ministerium spirituale concedatur. Quo præviè notato. Resp. Pensionem à summo Pont. propter plenitudinem potestatis quam habet, & ejus auctoritatem etiam ab Episcopo beneficiis imponi posse, quæ conclusio probatione non indiget, cum id quotidiana doceat experientia. debet autem esse pensio moderata, cum rationi contrarium sit, alieno sudore pasci.

TITULUS XIII.

De

De Rebus Ecclesiæ alienandis vel non.

QUÆRES 1. Quid hoc titulo veniat nomine alienationis? Resp. Nomen alienationis hic non sumitur in sensu stricto pro eo tantum actu quo dominium directum in alium transfertur, ut sunt donatio venditio permutatio, sed latissime pro omni actu quo dominium seu directum seu utile tantum vel aliud jus in re transfertur. Unde prohibitâ rerum ecclesiasticarum alienatione prohibetur, imprimis juxta cap. 5. b. t. donatio, venditio, permutatio, contractus emphyteuticus perpetuus, concessio quâ prædium fit tributarium, constitutio pignoris vel hypothecæ specialis, constitutio servi-

tutis in re Ecclesiastica, transactio per quam res Ecclesiæ transfertur in alium; infeudatio & locatio ad longum tempus *extravag. ambitiose unica*, *inter communes b. t.*

QUÆRES 2. Quænam res ecclesiastica alienari prohibeantur? Resp. Res quæ his contrarietibus alienari vetantur sunt 1. Res Immobiles videlicet prædia, fundi, domus *cap. 5. b. t.* 2. Res mobiles pretiosæ quæ servando servari possunt, ut sunt reliquæ sanctorum insignes, suppellex vel ornatus valdè pretiosus, v. gr. vasa aurea, argentea, gemmæ, &c. Quæ sunt de thesauro Ecclesiæ, eique singularem afferunt splendorem; talia enim immobilibus teste *Barbosa* æquiparantur. 3. Integri greges animalium v. gr. ovium, unde fructus annui percipi consueverunt. 4. Censui vel redditui annui *Clem. 1. b. t.* 5. Denique jura & actiones rerum immobilium & mobilium pretiosarum. Aliæ verò res mobiles, quæ servando servari non possunt, quales sunt quæ usu absumuntur, aut facile veterascunt, v. gr. fructus, vinum, oleum, frumentum, pecudes singulæ, vestes, pecunia quotidiano usui serviens, alienari à Prælati omni sollemnitate possunt.

QUÆRES 3. Quid requiratur ad hoc, ut rerum ecclesiasticarum alienatio valeat? Respond. Duo sunt quæ ad rerum immobilium licitam & validam alienationem requiruntur, nim. causa & forma, sive solemnitates à jure præscriptæ. licet autem causa juxta *Clem. 1. b. t.* propriè loquendo sit duplex, videlicet necessitas & utilitas Ecclesiæ communiter tamen 4. Causæ assignari solent. prima est necessitas ecclesiæ, quæ vel ære alieno labo-

laborat, vel ruinam aliter inevitabilem minatur, vel patitur, defectum suppellectilis ad cultum divinum necessariae, ad quam parandam fructus sunt insufficientes. Secunda est evidens Ecclesiae utilitas *cap. 1. h. t. in 6.* qualis esset si venderetur ager vel praedium, ad aliud melius comparandum; ad alienationem enim non sufficit quod non cedat in damnum, sed requiritur ut sit pro futura. Tertia est pietas, ut dum res ecclesiae alienatur pro redemptione captivorum, pro alimentacione pauperum, propagatione fidei, defensione Ecclesiae contra hostes, vel pro alia gravi & publica necessitate, sublevanda. Quarta est incommoditas vel inutilitas, qualis datur si res propter distantiam aliamve similem causam retineri non posset sine damno, vel si sumptus in eam faciendi excederent fructus ex ea provenientes, forma vel solemnitates jure requisitae sunt. 1. Tractatus quo Capitulares congregati inter se conferrunt an alienatio sit futura ecclesiae utilis, vel praepjudiciosa *cap. 1. h. t. in 6.* 2. Consensus majoris partis Capitularium, juxta eam, quae *tit. 10.* dicta sunt. 3. Subscriptio Capituli. 4. Consensus & auctoritas superioris, qualis respectu ecclesiarum cathedralium est Pontifex, respectu aliarum ordinarius.

QUÆRES 4. An si unum ex dictis duobus requisitis deficiat, invalidetur alienatio? Respond. Omnis alienatio deficiente causa & solemnitate facta in valida est, neque sufficit causa tantum existimata, sed requiritur realis; & si quæ alienatio aliter facta fuerit.

QUÆRES 4. Quæ sit poena in Prælatos bona ecclesiae malè alienantes statuta? Respond.

X 4

Præter

præter nullitatem actûs gesti incurrunt excommunicationem *extravag. ambitiose h.t. inter commun.* Cuius extravagantis dispositioni multi Prælati contraveniunt, excommunicationi contemptâ, se quâ conscientia viderint ipsi. *Quarant. in summ. bullarii V. alienatio rer. eccles. num. 5. Trident. sess. 25. de reform. c. 11.*

TITULUS XIV.

De

Precariis.

QUÆRES I. Quid sint precariæ? Respond. precariæ & precarium licet voce multum conveniant, reipsa tamen sunt diversi contractus: precarium enim Iure Civili cognitum, est contractus quo alicujus rei usus petenti gratis conceditur, revocandus ad arbitrium concedentis *l. 1. § 2. ff. de ap. fin. h. t.* precariæ verò vel precaria est contractus Iure Canonico introductus quo rei immobilis usus alicui roganti renumerationis causâ conceditur, vel in perpetuum, vel ad certum tempus v.g. ad quinquennium, ita ut ante hujus lapsum nequeat revocari. *gloss. in cap. 1. h. t. verb. precariæ. & ibi Abbas num. 1. § 3.* juxta quas definitiones precariæ differunt à precario: Primò, quòd hoc res etiam mobiles *l. 4. ff. h. t.* illis verò non nisi immobiles concedantur *can. siæconomus, can. precariæ c. 12. q. 2.* Secundò, quòd precariæ ad tempus vitæ, vel aliud certum tempus concedantur, non revocabiles, nisi tempore lapso; precarium verò ad incertum tempus datur, & semper sit revocabile. Tertiò, quòd in

preca-